



ORDENANZA NÚM.: 6

ORDENANZA FISCAL REGULADORA DA TAXA POLA EXPEDICIÓN DE LICENZA DE APERTURA DE ESTABLECEMENTOS OU POLA PRESENTACIÓN DE DECLARACIÓN RESPONSABLE OU COMUNICACIÓN PREVIA

Artigo 1º.- Fundamento e Natureza

No uso das facultades concedidas polos artigos 133.2 e 142 da Constitución e 106 da lei 7/1985, do 2 de abril, reguladora das Bases de Réxime Local, e de conformidade co disposto nos artigos 2, 15 a 19, 20 a 27 e 58 da Lei 39/1988, do 28 de decembro, reguladora das Facendas Locais, modificada pola Lei 25/1988 do 13 de xullo de Modificación do Réxime Legal das Taxas e Reordenación das Prestacións Patrimoniais de carácter público e a Lei 12/2012 de 26 de decembro de medidas urxentes de liberalización do comercio e de determinados servizos, este Concello establece a **Taxa pola expedición de Licencia de Apertura de Establecementos ou realización das actividades administrativas de control nos casos en que a esixencia de licencia fora substituída pola presentación de declaración responsable ou comunicación previa**, que se rexerá pola presente Ordenanza Fiscal.

Artigo 2º.- Feito Impoñible

1.-Constitúe o feito imoñible da taxa, a actividade municipal, tanto técnica como administrativa, tendente a verificar si os establecementos industriais, mercantís e de servizos, reúnen as condicións de tranquilidade, sanidade e salubridade, medioambientais e calesqueira outras esixidas polas correspondentes normativas sectoriais, Ordenanzas e Regulamentos municipais ou xerais para o seu normal funcionamento. Así mesmo, terá a consideración de feito imoñible da presente Taxa as modificacións no establecemento ou no exercicio da actividade inicial.

2.-A realización do feito imoñible terá lugar pola prestación dos servizos técnicos e administrativos que se orixinen pola solicitude do suxeito pasivo ou como consecuencia da actividade inspectora municipal, nos casos nos que se descubra a existencia de actividades que non estean plenamente amparadas pola correspondente licencia.

3.-A tal efecto, estarán suxeitos a esta Taxa todos os supostos nos que resulte obrigatoria a solicitude e obtención de licencia, ou no seu caso, a realización da actividade de verificación ou control posterior do cumprimento dos requisitos establecidos na lexislación sectorial cando se trate de actividades suxeitas a declaración responsable ou comunicación previa e, entre outros, os seguintes:

- 1º.- A primeira instalación dun establecemento ou actividade industrial, comercial, profesional ou de servizos.
- 2º.- A ampliación da actividade e/ou superficie de establecementos con licencia de apertura, aínda que continúe o mesmo titular.
- 3º.- Reforma ou calquera alteración que se leve a cabo no establecemento e que afecte ás condicións sinaladas no número 1 deste artigo, esixindo nova verificación das mesmas.
- 4º.- O cambio de titularidade ou razón social permanecendo invariable a actividade.

4.-Ós efectos desta Taxa entenderase por establecemento toda edificación, instalación ou recinto cuberto ou ó aire libre, este ou non aberto ó público, destinado a calquera uso distinto ó de vivenda, onde habitual ou temporalmente se exerce ou se vaia a exercer calquera actividade empresarial fabril, industrial ou artesán, da construción, comercial ou de servizos, ou complementaria das anteriores, que requira a obtención de licencia municipal para a súa apertura ou funcionamento, en virtude de norma xurídica, ou declaración responsable ou comunicación previa.

Inclúense asemade os furanchos.

Enténdese por actividade complementaria, aquela que teña relación coa actividade principal de xeito que lle proporcione beneficios ou aproveitamento, aínda que non se dedique ó seu exercicio, así mesmo as delegacións ou sucursais de entidades xurídicas oficinas, despachos ou estudos.



Artigo 3º.- Suxeito Pasivo

1.-Son suxeitos pasivos contribuíntes as persoas físicas e xurídicas e as entidades a que se refire o artigo 33 da Lei Xeral Tributaria, titulares da actividade que se pretende desenvolver ou, se é o caso, desenvolvida en calquera establecemento industrial ou mercantil en xeral.

2.-Terán a consideración de substitutos do contribuínte, os propietarios dos devanditos establecementos, os cales poderán repercutir, se é o caso, as cotas satisfeitas sobre os usuarios de aqueles, beneficiarios do servizo ou actividade.

Artigo 4º.- Responsables

1.-Responderán solidariamente das obrigas tributarias do suxeito pasivo as persoas físicas e xurídicas a que se refiren os artigos 38.1 e 39 da Lei Xeral Tributaria.

2.-Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei Xeral Tributaria.

Artigo 5º.- Beneficios Fiscais

Non poderán recoñecerse outros beneficios fiscais que os expresamente previstos nas normas con rango da Lei ou os derivados de Tratados ou Convenios Internacionais, de acordo co disposto no artigo 9 da Lei 39/1988, do 28 de decembro.

Artigo 6º.- Cota Tributaria

A cota de tarifa é a que se define no Anexo desta Ordenanza. Cando se trate dunha licenza para actividade de tempada, a cota tributaria será proporcional ao número de meses do ano natural no que se pretenda realizar a actividade.

Artigo 7º.- Devengo

1.-Devéngase a taxa e nace a obriga de contribuír, cando se inicie a actividade municipal que constitúe o feito impositivo. A estes efectos entenderase iniciada a actividade na data de presentación da oportuna solicitude de licenza de apertura, da presentación dunha declaración responsable ou dunha comunicación previa, si o suxeito pasivo a formulase expresamente, momento no que deberá efectuar o ingreso da taxa en calidade de depósito previo.

2.-Cando a apertura tivera lugar sen a obtención previa da licenza, declaración ou comunicación a taxa devengarase cando se inicie efectivamente a actividade municipal conducente a determinar si o establecemento reúne ou non as condicións esixibles, sen prexuízo da iniciación dun expediente administrativo que poida instruírse para autorizar a apertura do establecemento ou decretar o seu peche, se a mesma non fora autorizable.

3.-A obriga de contribuír, unha vez nacida, non se verá afectada, de ningún modo, pola denegación da licenza solicitada ou pola concesión desta condicionada á modificación das condicións do establecemento.

4.-Ata tanto non recaia acordo ou resolución municipal sobre a concesión da licenza, os interesados poderán desistir ou renunciar expresamente a esta. Neste caso, procederá a devolución da Taxa ingresada segan as seguintes contías:

- O 50%, cando o desestimento ou renuncia se presente despois de que os servizos técnicos do Concello practicarán as pertinentes inspeccións e se emitira o correspondente informe. No caso de Actividades calificadas como molestas, insalubres, nocivas ou perigosas, cando a renuncia ou desestimento se produza antes de solicitar os informes sectoriais preceptivos.
- O 100%, cando o desestimento ou renuncia se presente antes de que por parte do Concello se realizara ningunha actuación conducente ó outorgamento da licenza.

Artigo 8º.- Xestión

1.-As persoas interesadas en obter unha licenza de apertura de establecemento, presentarán previamente, no Rexistro Xeral, a oportuna solicitude, declaración responsable ou comunicación previa, con especificación da actividades a desenvolver no local, acompañada da documentación que complete a súa petición, así como do xustificante de abono da taxa.



**Concello de
SOUTOMAIOR
PONTEVEDRA**

2.-Si despois de formulada a solicitude de licencia de apertura, declaración responsable ou comunicación previa, e practicada a autoliquidación da taxa o seu ingreso, se variase ou ampliase a actividade a desenvolver no establecemento, ou se ampliase o local inicialmente previsto, estas modificacións deberán comunicarse á Administración Municipal co mesmo detalle e alcance que se esixen na declaración prevista no número anterior. O mesmo farán as persoas que pretenden iniciar actividade ou servizo para os cales sexa suficiente a presentación de declaración responsable ou comunicación previa

3.-A autoliquidación presentada polo contribuínte, ós efectos desta Ordenanza, están sometidas a comprobación administrativa. Finalizada a actividade municipal, e unha vez ditada a Resolución que proceda sobre a licencia de apertura, practicarase, si procede, a liquidación definitiva correspondente, que será notificada ó suxeito pasivo.

Artigo 9º.- Infraccións e Sancións

Aplicarase o réxime de infraccións e sancións regulado na Lei Xeral Tributaria e nas disposicións que a complementen e desenvolvan.

Disposición Derrogatoria

Queda derogada a Ordenanza reguladora da taxa pola licencia de apertura de establecementos aprobada polo Pleno do Concello o 29 de setembro de 1989.

Disposición Final

A presente Ordenanza xunto có Anexo foi aprobado polo Pleno do Concello, na súa sesión de data 28 de xuño de 2013 e entrará en vigor o día que se publique a modificación no Boletín Oficial da provincia e comezará a aplicarse a partir do día 30 de agosto de 2013 permanecendo en vigor ata á súa modificación ou derogación expresa.

MODIFICACIÓN DO ANEXO DA ORDENANZA REGULADORA DA TAXA POLA EXPEDICIÓN DE LICENZA DE APERTURA DE ESTABLECEMENTOS OU POLA PRESENTACIÓN DE DECLARACIÓN RESPONSABLE OU COMUNICACIÓN PREVIA

1. CADRO DE TARIFAS

-Actividades inocuas e furanchos:

Por comercios, locais, etc. ata 50 m2	113,10 €
Por comercios, locais, etc. dende 51 m2	141,40 €

-Actividades clasificadas:

Por bares, cafeterías, naves industriais, etc. ata 100 m2	226,17 €
Por bares, cafeterías, naves industriais, etc dende 100 m2.....	339,30 €

-Por traspaso de titularidade nas licencias xa concedidas será o 25% da apertura normal.

2. DISPOSICION FINAL

A presente modificación do anexo foi aprobado polo Pleno do Concello, na súa sesión de data 2 de Novembro de 2006 e entrará en vigor o día que se publique a modificación no Boletín Oficial da provincia e comezará a aplicarse a partir do día 1 de xaneiro de 2007 permanecendo en vigor ata á súa modificación ou derogación expresa.

. **Aprobación definitiva** 30 de Outubro de 2003. B.O.P.núm. 247 do 23 de decembro de 2003.

Modificación:

- B.O.P. núm. 245 do 22 de decembro de 2004, aprobada polo Pleno o 14 de Outubro de 2004.
- B.O.P. núm. 235 do 9 de decembro de 2005, aprobada polo Pleno o 29 de Setembro de 2005
- B.O.P. núm. 244 do 22 de decembro de 2006, aprobada polo Pleno o 2 de Novembro de 2006.
- B.O.P NÚM. 166 de 30 de agosto de 2013, aprobada polo Pleno o 28 de xuño de 2013